

皇朝編年備要

十八

皇朝編年

備要卷第十八

凡三年

神宗皇帝

起戊申熙寧元年
止庚戌熙寧三年



戊申熙寧元年春正月甲戌朔日有食之

○定掩骼令

詔州縣春首檢視
暴骸給錢葬祭之

復武臣同提刑

○以唐介參知政事

執政坐待漏院故事惟宰相省
閱文書同列未嘗與聞介謂曾

公亮曰介備位政府而文書皆不與知上若
顧問何辭以對公亮乃與閱視後以為常

增太學生

負

初二百負至是又增置一百
負○尋詔以九百人為額

二月進讀資治通

鑑

司馬光進讀三葉畢上命更讀六國從事上曰儀秦掉
三寸舌乃能如是乎光曰儀秦縱橫多華少實無益於

治此所謂利
口覆邦者也

三月潭州兩毛○夏四月王安

石入對

安石新除翰林學士詔越次入對上曰方今治
當何先安石曰以擇術為先上問唐太宗何如對

曰陛下當以堯舜為法太宗所知不遠所為不盡合先王但
乘隋亂子孫又皆昏惡所以獨見稱述堯舜所為至簡而不
煩至要而不迂至易而不難但末世學者不能通知常以為
高不可及不知聖人經世立法以中人為制也上曰卿可謂
責難於君朕自視眇然恐無以副卿此意可悉意
輔朕庶同濟此道安石又曰願陛下以講學為事

唐魏徵狄仁傑後

是冬錄段
秀實後

詔興水利○河

決恩冀等州

七月又溢瀛州尋遣使振貸之都水監
丞宋昌言與內侍程昉請相六塔舊口

并二股導使東流徐塞北流初商胡決河自魏之北至恩冀
乾寧入于海是謂北流嘉祐八年河流派于魏之第六埽遂

爲二股自魏恩東至于德滄流入于海是謂東流乃命翰林學士司馬光同內侍張茂則往相度二年光入對卒用昌言說於二股之西置上約擗水令東光又言俟東流漸深北流漸淺即塞北流臣恐官吏見東流已及四分急於見功遽塞北流而不知二股分流十里之內相去尚近地勢東高西下若河流併東一遇盛漲水勢復西合入北流則東流遂絕或於滄德未成之處決溢橫流雖除西路之患而害及東路非策也宜專護上約及二股堤岸若今歲東流上添二分則此去河勢自東近者二三年遠者四五年候及八分以上河流衝刷已闊滄德堤埽已固自然北流日減可以閉塞兩路俱無害

秋七月城筭策

初秦州生戶爲諒祚劫而西徙有空地百里名筭策知州馬仲

甫請城而耕之韓琦從其說樞密院難之琦奏自來鄜延環慶涇原等路緣邊例皆以城寨包衛熟戶使諸族知有家計則可以相爲表裏號爲籬落之固臣復見涇原路原州有明珠滅臧康奴之族以居處恃險屢殺官軍慶曆中范仲淹遂

於三族之北與西界相接處修置靖安綏寧二寨佛空平朶城二堡其明珠等三族於是不能作過聽從點集目今所以乞城筭策者非好生事蓋欲因西人未復和好間城之庶可經久若以糧草爲疑筭策既城則秦川三陽伏羗永寧來遠寧遠諸寨却在近裏可以均勻抽減往彼屯泊更有朔置酒稅場課利相兼充贍今畫沁邊城寨對西界者作圖子進呈乞更與二府大臣

却尊號

司馬光入直因言上尊號之禮非先王令典起於唐武后

中宗之世遂爲故事因循至今陛下踐祚未久又在諒陰中似未宜受手詔賜光曰朕方以淫兩地震天威彰著日虞傾禍若被此鴻名有慙面目况又在諒陰

以陳升之知

樞密院

升之即旭也避諱以字行時呂公弼爲樞密使韓絳邵亢副使樞密院並置使副知院始此行

入粟補官法

出將作監主簿助教告勅七十道付河北安撫司募人入粟尋又賜河東空名

勅誥後 **初鬻度牒** 知諫院錢公輔言祠部遇歲飢河決不盡錄 鬻度牒以濟急乞自今裁損聖節恩

賜以限剃度之冗從之鬻度牒始此自嘉祐至治平總十三年給七萬八千餘道熙寧初至八年九月給八萬九千餘道

京師河朔地大震 京師震者三八月京師又震者再十一月復震○九月英州地震有

聲如雷十一月復震 **雨水** ○ **八月孫覺罷** 出通判越州時樞密副使邵亢在位

無補益覺為諫官論亢不才併疏中丞滕甫貪汙頗僻不報亢引疾辭位上優容之覺又薦陳升之代亢詔覺不當引大

臣降官覺言諫官雖微亦預謀王斷國與人主宰相別白賢不肖於造膝之間所從來久矣且去歲有罰金御史今茲有

貶秩諫官遂請補外上初諭執政降覺官差遣仍舊執政 **復** 日諫官有出外無降官之理上曰但與降官它自住不得

行崇天曆 以七月望夜月食東方與明天曆不協周九琮等皆坐占驗差失奪官乃詔更造新曆

月封太祖後 初詔中書門下考藝祖子係屬近而行尊者一人裂地王之使當從獻於郊廟

世世勿絕適韓琦自長安入覲因言主鬯從獻皆太子事今忽擇一人令郊廟從獻豈不疑駭天下視聽乎上悟遂罷從

獻之旨命詞但云遵仁宗慶曆四年故事封德芳之後從式為安定郡王太祖之曾孫也 **減陰補恩**

越明年十二月復詔裁減 **河南北分置監牧使** 以劉航崔台符為之專隸樞密

院不領於羣牧制置諸監牧田大抵皆寬衍為人所買占故議者爭請收其餘資以佐芻粟言利者乘之始以增廣賦入

為務二年詔括河南北監牧司總牧地舊籍六萬八千餘頃而今籍五萬五千餘數皆隱於民自是請以牧田賦民者紛

然而諸監尋廢矣○是歲天下 **冬十一月丁亥郊** 初

應在馬凡十五萬三千有奇 **治** 平間南郊費七百餘萬至是費九百餘萬曾公亮等辨郊齋

上問司馬光何如光對曰臣已有奏狀乞減半上曰減半無

益大臣既懈辭不若盡聽之光曰求盡納者臣下之志賜其半者人主之恩後數日光與王珪王安石同進呈郊賚劄子光曰方今國用不足災害荐臻節省冗費宜自近始聽之為便安石曰國家富有四海大臣郊賚所費幾何惜而不與未足富國恐傷國體昔常衮辭饌時議以為衮自知不能當辭位今兩府辭郊賚正與此同耳且國用不足非當今之急務也光曰常衮辭祿猶知貪耻視夫固位貪祿者不猶愈乎國家自真廟之末用度不足近歲尤甚何得言非急務安石曰國用不足由不得善理財者耳光曰善理財者不過頭會箕歛以盡民財安石曰此非善理財者善理財者民不加賦而國用饒光曰此乃桑洪羊欺漢武之言也天地所生財貨百物止有此數不在民間則在公家此言豈可據以為實上曰朕與司馬光同且以不允荅之是日安石當制批荅略曰方今生齒日繁賦入不少理財之義殆有可思此之不圖而姑務自損祗傷國躰未協朕心公亮遂不敢再辭○先是光登對言國用不足者在用度太奢賞賜不節宗室繁多官職冗濫軍旅不肅乃命光

十二月立內降覆奏法

詔從中批

及中丞滕甫裁定
降須覆奏○十年九月又詔應傳宣中批及面得旨事無造法者中書密院覆奏若非理祈恩有罪規免者奏劾之

神臂弓

民李宏所獻其實弩也射一百四十步製成賜以是名



熙寧二年春二月以富弼同平章事

時弼以足疾未能入見聞有於上前言災異皆天數非人事所致弼聞之嘆曰人君所畏惟天若不畏天何事不可為者去亂亡無幾矣此必姦臣欲進邪說故先導上以無所畏使輔弼諫諍之臣無所復施即上疏數千言未幾入見又言臣聞中外之事漸有更張此必小人獻說於陛下也大抵小人推動作生事則其間有所希覬若朝廷守靜則事有常法小人何所望也上改容聽納又言今所進用多是刻薄小才小才雖自可喜然害事壞風俗為甚恐須進用醇厚篤實之人

○去夏弼自河陽移判汝州詔入見上命勿拜坐語從容問以治道弼以上銳於有爲對曰人君好惡不可令人窺測可窺測則姦人得以傳會其意上稱善又問北事弼曰陛下且二十年未可言用兵亦不宜重賞邊功恐致生事干戈一起所係禍福不細上默然良久又問所先弼曰阜安宇內爲先上善之除集禧觀使弼懇辭乞赴汝州不許弼又言臣去秋在河陽已聞臣入見後除一觀使今見未數日果有集禧之命又聞觀使只是聖意且欲留住候過聖節便除首相此說極爲喧播臣始猶不深信今罷汝州除集禧此事已驗則後來事豈敢決謂妄傳易曰君不密則失臣臣不密則失身幾事不密則害成前代君臣因不謹密敗事甚多願陛下留意謹密如天高地厚不可窺見乃國體君道之至也臣老病非才不係利害且乞放令赴汝州任候得安好不拘內外竟求任使上乃聽弼之汝州○上之初即位也弼在河陽上疏論君子小人略曰自古以來君子常寡小人常衆人君採聽之際故得人常少不得人常多得人少故好事常不足不得人多

有車一八

五

故惡事常有餘又曰君子則惟道是從不計身之進退用則進而行道不用則退而無悶也小人則不然惟利是向若爲正道所抑其身不得進則戚戚不肯休千歧萬路不顧名節經營鑽刺得其進而後已又曰又况君子常爲小人所勝故從古以來治世少而亂世多者以此也又曰君子小人並立於朝實所難辨蓋小人外則文飾其辭使說理道不減於君子而其心及其所爲之迹則如水火之異也臣謂帝王都無職事惟別君子小人乃帝王之職事然千官百職豈盡煩帝王辨之乎但精求任天下之事所謂大臣者不越十數人不使一小人參用於其間則千官百職委諸大臣分而選之因而漸及天下州縣之吏莫不得人矣願雖欲亂不可得也

王安石參知政事

上召對曰

富弼曾公亮與卿協力弼聞卿肯任事亦大喜然須勿爲嫌疑朕初亦欲從容除拜覺近日人情於卿極有欲造事傾搖者故急欲卿就職朕常以呂晦爲忠直近亦毀卿趙抃唐介皆以言扞塞卿進用朕問曾公亮亦云誠有此卿且與朕力

變此風且不知卿施設以何為先對曰變風俗正法度最方
今急務也上以為然初上問孫固曰安石可相否固曰安石
文行甚高侍從獻納其選也宰相自有度安石為人少容恐
不可安石既執政士大夫素重其名以為太平可立致雖司
馬光亦以是望之呂誨任中丞將對光為學士侍講亦將趨
資善堂相遇並行光密問曰今日言何事誨曰袖中彈文乃
新參也光曰介甫命下之日眾喜得人奈何論之誨正色曰
君實亦為此言耶安石好執偏見喜人佞已聽其言則美施
於用則踈為從官則可登政府則天下必受其弊語未竟閣
門追班光退終日思之不得其說既而縉紳間有傳其疏光
往往疑其太過也○初治平中邵雍與客散步天津橋上聞
杜鵑聲慘然不樂客問其故雍曰杜鵑洛陽舊無之今始至
有所主客曰何也雍曰不二年上用南士為相多引南人專
務變更天下自此多事矣客曰聞杜鵑何以知此雍曰天下
將治地氣自北而南將亂自南而北今南方地氣至矣禽鳥
飛類得氣之先者也春秋書六鷁退飛鵠鵠來巢氣使之也

備事一八

二八

至是雍言

創制置三司條例司議行新法

命陳

果驗云

升之王安石領其事初安石言昔周置泉府之官以推制兼
并均濟貧乏變通天下之財後世惟桑洪羊劉晏粗合此意
學者不能推明先王法意更以為人主不當與民爭利今欲
理財則當修泉府之法以收利權又曰人才難得亦難知今
使十人理財其中容有一二敗事則異論乘之而起臣謂堯
與羣臣共擇一人治水尚不能無敗事况所擇而使非一人
豈能無失要當計利害多少而不為異論所惑上曰有一人
敗事而遂廢所圖此所以少成事也○尋以呂惠卿蘇轍為
條例司檢詳文字安石多與惠卿謀人號安石為孔子惠卿
為顏子安石欲行青苗法轍曰以錢貸民出納之際吏緣為
奸錢入民手雖良民不免妄用及其納錢雖富民不免違限
恐鞭笞必用州縣不勝煩矣○九月命李常呂惠卿編修中
書條例初安石言編修條例在擇人上曰見在館職無足與
修法度者惟呂惠卿材高朕嘗問呂公著何不舉惠卿作御

史公著曰惠卿姦邪不可用朕見惠卿論事極有本末安石曰惠卿學術豈特今人少比前世儒者未易擬議能學先王之道而能用者臣獨見惠卿而已其材它日必為陛下用人言其姦邪者惠卿有所負少肯屈降以此多為人所毀上曰若內有所負亦何肯為姦邪上乃許用惠卿至是遂與李常並命○是夏樞密院亦請以本院文書凡關祖宗以來法制可施久遠者刪次成書

三月冊秉常為夏國主

夏主

諒祚卒於去歲之三月子秉常立使來告哀上遣韓縝詰問人使薛宗道以殺傷揚定及虜掠熟戶不遣使賀即位降詔不承等事宗道言李崇貴等見已禁錮候朝旨即拘送及陳夏主秉常母子悔過之意上命縝諭旨恐國主幼小未能戢服沿邊蕃部它日或再來侵犯度彼親任事止三五人欲自朝廷除官仍於歲賜內割五萬充俸及候李崇貴至方可行冊慰之禮令縝錄本付宗道仍以詔書賜秉常且云餘令宗道宣諭其冬秉常遣使羅重進來言主上方以孝治天下奈

備一八

七

何反教夏國之臣叛其君朝廷乃罷分賜酋豪之議止令歸塞門安遠二寨還賜以綏州重進凡三往返議之始奉表聽從乃賜秉常詔略曰夏國既再修職貢歸納塞門安遠二寨乞別進誓文永遵臣禮所宜謹守信誓無或擾犯邊圉重取悔尤至於順漢西蕃亦無得輒有侵略候誓表到日即遣使封冊并以綏州給還歲賜如舊未幾陳弁之請城綏州韓琦亦不欲廢事遂格秉常上誓表乃賜以誓詔

夏四月河決○地震○旱

詔以大河決溢地震相仍方夏大旱其避殿減膳罷同天節上壽令羣臣勉修厥職以圖修復

唐介薨

臨其喪

介疾上親臨問為之出涕至是躬臨奠贈謚忠肅○初上欲用王安石參知政事曾公亮薦之

介曰安石好學而泥古議論迂闊若使為政必多變更以擾天下退諭公亮曰異日安石果用天下困擾諸公當自知之耳○先是執政進除目既數日上乃曰朕問安石以為可行介曰臣每聞陛下宣諭某事問安石以為不可未得施行如

此則執政何所用以臣為不才當先罷免此語傳播恐非體也安石既執政奏言中書處分事用劄子皆言奉聖旨其不中理十常八九不若令中書自出牒不必稱聖旨介曰太宗時寇準用劄子遷馮拯官不當拯訴之太宗曰前代中書有堂牒旨揮乃權臣假此以威福天下太祖朝趙普為相堂帖重於勅命尋令削去今復置劄子何異堂帖安石不欲稱聖旨則是政不自天子出也上曰太宗制置此事極當及安石議殺人傷者許首介數與安石爭論於上前上主安石語介憤悶疽發

詔從臣言缺失

又詔侍從官各極言上躬

過失及朝廷缺政

遣使察農田水利賦役

從三司條例司之請也劉彝謝

卿材王廣廉侯叔獻程顥盧秉王汝翼曾伉八人充使○叔獻尋與楊及提舉淤田引水於畿縣澶州間歲壞民田廬而朝廷不知六年秋詔賜二人田各十頃九年冬罷淤田司

五月定縣令考績法

分上中下三等

六月呂誨罷

自中丞出知鄧州以其論王安石石也誨言大姦似忠大詐似信

惟其用舍係時休否安石外示朴野中藏巧詐驕蹇慢上陰賊害物臣略疏其十事嘉祐間因開封爭鶴鷄公事不當御史臺催促謝恩倨傲不從一也安石每遷小官遜避不已及除翰林學士不聞固辭先帝臨朝則有山林獨往之志陛下即位則有金鑿侍從之樂見利忘義好名嗜進二也安石在經筵力請坐而講說將屈萬乘之重自處師氏之尊不識君臣上下之分三也安石自居政府留身進說多乞御批自中以下以塞人言是則掠美於己非則斂怨於君四也許遵誤斷謀殺公事力為主張妻謀殺夫用案問減等科罪挾情壞法徇利報怨五也安石入翰林未聞薦士首率同列稱第安國之才朝廷與狀元恩例猶謂之薄主試定文卷不優遂罹申傷賣弄威福無所不至六也宰臣不視事旬日差除自專罷逐近臣本皆不附己者妄言盡出聖衷作威作福聳動朝著七也與唐介爭論謀殺刑名眾非安石而是介介務守大

體不能以口舌勝憤懣發疽而死奏對強辨陵轢同列八也
章辟光獻言俾岐王遷外離間之罪固不容誅有旨送中書
正罪安石堅拒不從九也制置三司條例兼領兵財又舉三
人者勾當八人者巡行臣未見其利先見其害十也上兩降
手詔諭誨誨論不已遂補外○尋以諫議大夫致仕誨之請
致仕也因言臣本無宿疾偶值醫用術乖方殊不知脉候有
虛實陰陽有逆順診脉有標本治療有先後妄投湯劑率任
情意差之指下禍延四肢寢成風痺遂艱行步非祇憚跋涉
之苦又將虞心腹之憂勢已及此為之奈何雖然一身之微
未足深恤其如九族之託良以為憂蓋以身疾喻朝政也越
四年五月卒病亟手書屬司馬光為墓銘光往省之至則目
且瞑光呼曰更有以見屬否誨張目強視曰天下事尚可為
君實勉之

秋七月乙丑朔日有食之

陰雲遮蔽所食不及元奏分數

宰臣表賀

罷義倉○行均輸法

立淮浙江湖六路均輸法命發運使薛向領之

賜內藏庫錢五百萬緡米三百萬石先是三司條例司言諸
路上供歲有定額年豐可以多致而不敢取贏歲歉艱於供
億而不敢不足遠方有倍蓰之輸中都有半價之鬻至遇軍
國大費則剗削殆無留藏朝廷百物之用多求於不產責於
非時富商大賈乘公私之急因得擅輕重歛散之權臣以為
發運使實總六路之出入宜假以錢貨經其用之不給周知
諸路之有無而移用之凡上供之物皆得徙貴就賤用近易
遠預知在京倉庫所常辦者得以便宜蓄買以待上令而制
其有無則國用可足

八月貶劉琦錢顛

琦為侍御覲民財不匱矣上從之

裏行言陛下用王安石未及半年中外人情囂然不安蓋以其專肆臆
輕易憲度而全無忌憚之心陛下置安石政府必欲致時如
唐虞躋治于成康今安石反以管商權詐之術戰國縱橫之
論取媚陛下陛下遽信其言侵奪三司利柄開局置官引三
人者議事用八人者分行所辟如呂惠卿王子韶盧秉王汝
翼之徒豈能通曉錢穀周知天下之利源乎復引薛向為發

運使兼領均輸之職信如詔書之言徒貴就賤用近易遠固亦無害然使小人用事任其變易縱有所入不免奪商賈之利商賈既不行則諸路稅課虧失是先喪其國之常入何以仰給經費官司販易物有難售者未免均配在民以取其直物既壅積難於速貨則必有鬻田產破家業以應期會考不然則淫刑濫罰從而加之矣兼薛向多用耳目刺州縣短長從而脅之俾承哀歛非道之事去年許遵妄議謀殺自首按問之法朝廷委安石與司馬光定奪光則持公請依舊法安石則任偏見而立新議差韓維再定而皆附安石之法又令密院同議文彥博所定既協公道陛下以衆人所議委富弼看詳弼在病告不俟其出朝廷即行安石所定良由同列畏其強陛下惑其辯乃至此爾小人章辟光妄獻歧卽遷外之議呂誨乞加譴逐安石百端阻格誨竟黜降故事若昭文在假集賢尚不敢專行聖旨豈如安石傲視同列旁若無人愛憎與奪一出於己上閱疏曰此皆挾情非竭節以補時事者乃黜琦監處州鹽酒稅頭爲衢州酒稅時臺官劉述亦以論

安石出知江州

范純仁罷

自同知諫院出知河中府亦以論王

問曰卿在陝西久主漕輓必精意邊事城郭甲兵糧儲如何對曰城郭粗完甲兵粗修儲糧粗備上愕然曰卿材能如此朕所倚賴而職皆言粗何也徐對曰粗者未精之辭如是足矣臣願陛下無深意於邊事恐邊臣觀望要功生事結釁夷狄殘害生靈耗竭財用厚費爵賞不惟爲今日目前之害又將貽他時意外之變上嘉納之又謂上曰書云怨不在明不見是圖願陛下圖不見之怨上曰何謂不見之怨純仁曰杜牧所謂天下之人不敢言而敢怒者是也及爲諫官前後上言以休兵省事節用富民進君子退小人申公論爲急崇聚斂事苛刻親讒佞任偏聽爲戒其於君子小人之際尤反覆激切又言道遠當馴致事大難速成人才不可遽求積弊不可頓革自古人君欲事亟就必爲儉佞所乘不可不察純仁雅與安石厚善至是數言事多忤安石最後言薛向不可爲發運使安石滋不樂劉琦罷純仁又言琦不當罷請速解安

石機務留臺不下純仁力求去不許未幾罷諫院為起居舍人
純仁固辭安石遣所親諭純仁曰已議除知制誥矣純仁曰
是以利休我也言不用萬鍾何加焉遂錄所上章申中書省
曰忽聞今日詔命以劉琦等言多失實事輒近名擅去官曹
規喧朝聽各落御史充監當者夫人臣以率職為忠人君以
納諫為美是以仁宗開廣言路先帝容納直言此皆主上所
親見今主上述事繼明思紹先烈而二三執政不能以道致
君教化失其先後刑賞乖於輕重中書藏其本末但致外議
喧騰凡居言責敢不論奏而柄臣遂撫其罪欲其遇事退縮
雖於政府便安而主上將何所賴王參政專任己能不曉時
事性又率易輕信姦回欲求近功忘其舊學尚法令則稱商
鞅言財利則背孟軻鄙老成為因循棄公論為流俗異己者
指為不肖合意者即為賢能薦薛向為閔才指呂誨為無用
而曾相公年高不退廉節已虧且欲見容依隨苟且趙參政
心知其非而詞辯不及凡事不能力救徒聞退有後言伏聞
平心虛懷深為國計安石見之怒擣以白上上曰宜與一善

卷一八

十一

地故有河中之命。○曾公亮趙抃得純仁狀上章自劾略
曰清時備位難逃竊祿之譏白首佐朝遂起蔽姦之謗如安
石者學給辯勝年壯氣豪議論方鄙於古人措置肯諧於寮
黨至使山林未學草澤後生放自有之良心樂塗附之異說
拖紳朝序非安石之黨則指為俗吏園冠校字異安石之學
則笑為迂儒又言安石平居之間則筆舌丘旦有為之際則
身心管商待聖主為可欺視同寮為不物為臣如此事主若
何伏乞特申睿斷大決羣疑正安石過舉之繆以幸邦家白
臣等後言之罪而俾還田里。○純仁初知襄邑縣有牧地衛
士縱馬暴民純仁取一人杖之牧地初不隸純仁有詔劾治
純仁言兵須農以養卹兵當先卹農
朝廷是之聽牧地隸縣自純仁始
蘇轍罷 為河南府推官轍為
三司條例司檢詳文字至是以書抵陳升之王安石論遣使
按求農田水利徭役之失又曰發運之職今將改為均輸常
平之法今將變為青苗夫商賈之事曲折難行其買也先期
而與錢其賣也後期而取直多方相濟委曲相通倍稱之息

由此而得今官買是物必先設官置吏為費已厚然後使民各輸所有非良不售非賄不行是以官買之價必貴及其賣也弊復如前商賈之利何緣可得徒使謗議騰沸商旅不行此均輸之說轍所未諭也常平條勅纖悉具在患在不行非法之弊必欲修明舊制不過以時斂之以利農以時散之以利末今乃改其成法雜以青苗逐路置官號為提舉別立賞罰以督虧欠法度紛紛何至如此况錢布於外凶荒水旱有所未諭也且乞補外任上閱轍狀問安石轍與軾何如安石曰軾兄弟大體以飛箝捭闔為事上問所以處轍曾公亮請與堂除差遣

河徙東行

北流既塞而河自其南四十里故有是命

永靜五州軍境

九月行青苗法置常平官

初王安石既執政出一卷

書付條例局曰此青苗法也諸君熟議之以檢詳文字蘇轍力言其不便而止已而王廣廉者乞度僧牒數千為本錢行

要一八

陝西漕司前所私行青苗法春散秋斂與安石意合安石遂請先行於河北京東淮南三路尋乃置河北陝西提舉常平廣惠倉官命廣廉等為之條例司又請以諸路常平廣惠倉錢依陝西青苗錢例取民情願預結令隨稅納斛斛其願請本色或納時價貴願納錢者皆聽從便仍遣官提舉從之時諸路常平廣惠倉錢米略計千五百萬以上貫石乃復推行其法於諸路○尋又詔出內藏錢百萬緡增羅河北常平穀○是冬邇英進講呂惠卿言先王之法有一歲一變者則月令季冬飭國典以待來歲之宜而周禮正月始和布於象魏是也有數歲一變者則堯舜五載修五禮周禮十二歲修法則是也有一世一變者則刑罰世輕世重是也有數十世而改者則夏貢商助周徹夏校商序周庠是也有雖百世不變者則尊尊親親貴貴長長任賢使能是也前日見司馬光云漢惠文景皆守蕭何之法而治武帝改其法而亂宣帝守其法而治元帝改其法而亂臣謂何雖約法三章其後乃為九章則何已不能自守其法矣惠帝除挾書律三族令文帝除

熙寧二年

誅謗妖言除祕祝法皆蕭何法之所有而惠與文除之景帝
又從而因之則非守蕭何之法也宣帝所以治者由總核名
實信賞必罰元帝所以亂者失於優柔牽制知蕭望之周堪
張猛之賢而不能任知洪恭石顯之邪而不能去非由改蕭
何之法也上召光前謂曰卿聞惠卿之言乎光曰惠卿言漢
惠文景宣元治亂之體是也其言先王之法有一歲一變五
歲一變一卅一變則非也譬之於宅居之既久屋瓦漏則整
之圯墁闕則補之梁柱傾倒則正之亦可也苟非大壞豈必
盡毀而更造哉苟欲更造必得良匠又得良材然後可爲也
今無良匠又無良材徒以少許之漏闕乃欲盡毀而更造之
臣恐其無所庇風雨也上曰朝廷每更一事舉朝洶洶皆曰
不可又不能指名其不便可據所聞言之光曰散青苗錢茲
事非便上曰聞陝西已行之民不以爲病也光曰臣家陝西
來者皆言責篤嚴急細民不勝愁苦惠卿曰光所言者吏不
得人耳吳申曰司馬
光之言可謂至論

廢奉慈廟。命發運兼坑

備要二十八

十三

治市舶

時饒州江建等州近年額鑄錢一百五萬貫并
額外有增剩錢。尋詔京西淮南兩浙江西荆

湖六路各置鑄錢監江西湖南以十五萬緡餘路以十萬緡
爲額又以興國軍睦衡舒鄂惠州既創監六通舊十一監水
陸回遠增提點之官于時諸路大率務於增額韶惠州永通
阜民監舊額八十萬至熙寧七年增三十萬及折二凡五十
萬其後衡州黎陽監歲增折二凡五萬緡西京阜財監歲增
市易本錢凡十萬緡興州濟衆監歲增七萬二千餘緡陝西
三銅錢監各歲增五萬緡而睦州則創神泉徐州則創寶豐
梧州以易得錫鉛萬州以多鐵礦皆創監焉而寶豐監歲鑄
至以四十
萬緡爲額
冬十月富弼罷
弼累表以疾求去上勉從
之使相出判亳州弼初
入相即除司空兼侍中弼因辭得免及罷不復加恩蓋上意
不樂其去故也弼將去言於上曰比見親舊乃知人情大不
安所進用者多小人諸處地動災變宜且安靜上問弼曰御
去誰可代弼薦文彥博上默然良久曰安石如何弼默然

以陳升之同平章事

上問司馬光曰近相陳升之

人輕易今二相皆閩人二參政皆楚人風俗何以更得淳厚上曰升之有才智它人莫及光曰升之才智誠如聖旨但恐不能臨大節而不可奪耳漢高論相以王陵少戇陳平可以輔之平智有餘然難獨任真宗用丁謂王欽若亦以馬知節參之上曰然升之圓甚朕已戒之光曰富弼老成有人望其去可惜上曰朕留之至矣彼堅欲去光曰蓋以所言不用與同列不合也上又曰王安石何如光曰人言安石姦邪則毀之太過但不曉事又執拗耳論及呂惠卿光曰惠卿儉巧非佳士上曰應對明辨亦似美才光曰惠卿誠文學辨慧然用心不端江充李訓若無才何以動人主○升之自尚書左丞遷禮部尚書本朝宰相有以侍郎為之而無左右丞為之者學士王珪當制以故事言故躡遷之

臺官許

請對

從張戩程顥之請也如有請對並許直申閣門上殿

十一月置提舉常

平官

初置諸路常平廣惠倉官尋復遣使提舉及管勾農田水利差役所遣凡四十一人○開封府推官蘇軾

上言曰願陛下結人心厚風俗存紀綱其略曰制置三司條例司使五七少年日夜講求於內使者四十餘輩分行管幹於外造端宏大創法新奇或言京師邸店議置監官夔路深山當行酒禁拘收僧尼常住城刻兵吏廩祿甚者至以為欲復肉刑凡七千餘言軾素不為安石所喜使權開封推官欲以多事困之而軾決斷精敏論事不休

室恩數

詔略曰宗室子弟服疎親盡才藝可錄在隨器官使之至於任子之令昏姻之儀宜一用外官

之制自是祖宗子孫之後世襲惟祖免親補外官非祖免親罷賜名授官

罷武提刑○河

東行交子法

置務于潞州以搬運鐵錢勞費也明年漕司以其法行則鹽礬不售害入中糧

章之計詔罷之○四年復行于陝西罷市鈔或論其不便罷之○七年中書言陝西沿邊以鹽鈔市糧草有虛擡邊糴之

弊請用交子度錢數製造於是永興路轉運皮公弼請更鑄折二大鐵錢為本並從之後僅以實錢少不可行九年復罷之

寬贓吏法

北都郎張仲宣犯枉法贓流賀州上納蘇頌之言以其情輕特免決與黥面自是杖

黥之法鮮施於命官矣

十二月重失入死罪法。增置

宮觀官

增置三京留司御史臺同判國子監及諸州宮觀官以待卿監監司知州之老不任職者王安

石亦欲以此處異議者遂詔毋限負

行預買法

令諸路預給錢和買絀絹

庚戌

熙寧三年春正月錄周唐後。青苗

錢禁抑配

委提刑察奏敢阻過當請者亦如之。知通進銀臺司范鎮言青苗錢者唐衰亂世之所

為苗青在田先估其直收歛未畢已趣其償是盜跖之法也未幾又奏乞罷青苗錢歸農田水利差役於州縣而召還使

情要一八

一五

者。右正言李常孫覺言王廣廉在河北第一等給十五貫第二等十貫第三等五貫第四等一貫五伯第五等一貫又富者不願取貧者乃欲得之即令貧富相兼十人為保民間喧然以為不便。判相州韓琦言準轉運司及提舉司牒給散青苗錢須十戶以上為保三等以上為甲頭等第散錢更有餘錢坊郭戶願請者五家為一保依青苗例支借臣竊以為鄉村自一等而下皆立借錢貫百三等而上更許增數坊郭戶有抵當者依青苗支借又鄉村每保須有物力人為甲頭雖云不得抑配其實官吏防保內下戶不納異時只責甲頭代輸復峻責諸縣若人不願請結罪保明申報續差官曉諭苟有願請者則干繫人別作行遣或具申奏官吏畏懼未免抑配上袖琦奏示執政曰琦真忠臣朕始謂可以利民不意乃害民如此且坊郭安得青苗而使強與之王安石勃然變色曰既取情願則別無所用自不復俵既有保甲則難於納者自不能請升之曰但恐州縣避難索之故抑配上戶爾安石曰抑配誠恐有之但緹責一二人則此弊自絕縱使

州縣抑配上戶俵十五貫錢又必令出二分息則一戶所陪止三貫因以廣常平儲蓄以待凶荒比之前代科率百姓出米爲義倉未爲不善况又不令抑配有何所害上曰須要盡人言料文彥博富弼亦以此爲不可但腹誅韓琦獨肯來說真忠臣也安石曰事之情僞是非若不能察惟務多納人言恐非但常平事不可爲矣遂稱疾求分司翰林學士司馬光批荅略曰今士論沸騰黎民騷動乃欲委還事任退取便安卿之私謀固爲無憾朕之所望將以諉誰安石怒抗章自辨上封還其章諭以失於披閱安石入見固請罷上獎慰良久然上以琦所奏爲疑遂降是詔○時有知越州山陰縣陳舜俞以自劾違旨不散青苗錢降監南康軍統五年而卒蘇軾爲文哭之稱其學術才能兼百人之器一片不復士大夫識與不識皆深悲之云時又有樂京者知許州長葛縣白提舉常平官言助役不便使之條悉又不報且不肯治縣事自列丐去提舉官劾之奪著作佐郎後十年始復官監黃州酒稅元祐初召赴闕不至有劉蒙者知唐州湖陽縣常平使者召

會諸縣令議免役法蒙以爲不便不肯與議退而條上其害即投劾去亦奪官歸鄉養親講學以卒元祐初賜其家布五

十一月司馬光辭樞密副使

光奏云陛下所以用臣蓋察其狂直

庶幾有補若徒榮祿位不能力救生民則是盜竊朝廷名器以私其身此臣所以屢違詔命不敢祇受也方今建畫之臣徒見目前之小利不思永久之大害憂政事之不治不能輔陛下修祖宗之令典乃變更先王之正法患財利之不足不能勸陛下恭儉節用乃更遣聚斂之臣誅剝齊民設官則以冗增冗立法則以苛益苛使四海危駭百姓騷然猶且堅執不肯自以爲非也青苗法行見此抑配臣恐十年之後貧者既盡富者益貧不幸國家有邊隅之警粟帛軍須之費何從取之兼放散青苗錢凡幾千萬緡若民力既竭加以水旱之災朝廷豈容坐視流亡轉死而督責如故其勢只得蠲除是官錢幾千萬緡已放散不可復收矣官錢既放散百姓又困窮此可以爲善乎先帝嘗出內藏庫一百萬緡助天下常平

倉作糶本前此天下常平錢穀共及一千餘萬貫碩今無故散盡它日若思常平之法復欲收聚何時得及此數乎至於欲計畝率錢雇人充役 汴水以種稻及澆溉民田與夫洩三十六陂水募人耕佃若此之類不可悉數故大小皇皇不能自安陛下誠能昭然覺悟采用臣言罷制置三司條例司追還諸路常平使者則臣雖盡納官爵但為太平之民以終餘年其幸多矣若言不見用雖寘諸二府天下徒指為貪榮之人未幾復令趣光入見光言臣近乞罷制置三司條例司追還諸路常平使者未賜采納若臣言果是早乞施行若臣言果非當正刑書使是非不至淆混微臣進退有地凡九辭詔收還勅告○時臺諫侍從多以言事求去參知政事趙抃言朝廷事有輕重體有大小財利於事為輕而民心得失為重青苗使者於體為小而禁近耳目之臣用舍為大今去重而取輕失大而得小非宗廟社稷之福臣恐天下自此不安言入即求去未幾知杭州○傳堯俞除喪至京師安石數召之既見語及新法安石謂堯俞曰方今紛紛遲君來久矣將

傳堯俞

一七

以寶文閣待制同知諫院還君堯俞謝曰新法世皆不以為便誠然當力論之平生未嘗敢欺敢以實告安石不悅乃以堯俞同判

三月親試舉人初用策

賜葉祖洽以下及諸科八百餘人及第出身有差舊制進士一日而兼試詩賦論謂之三題特奏人只試論一道至是罷三題始用策翌日試特奏名進士亦制策也自王安石得政每贊上以獨斷上專信任之於是考官蘇軾發策云晉武平吳以獨斷而克符堅伐晉以獨斷而亡齊桓專任管仲而伯燕噲專任子之而滅事同而功異何也安石見之不悅祖洽策言祖宗多因循苟簡之政陛下即位革而新之初考為三等覆考為五等上令宰相陳升之面讀以祖洽為第一軾乃上言陛下試士將求朴直之人而阿諛順旨者率據上第臣竊悲之是以不勝憤懣擬進士對御試策以進上以軾所對策示安石安石曰軾才亦高但所學不正耳陛下何不黜軾豈以其材可惜乎譬如調惡馬須臾芻秣加箠朴使其帖服乃可用陛下不可不察也○未幾

熙寧二年

外人謹言將以新進士為校書陸佃嘗從安石學張安國安石客也呂升卿乃呂惠卿弟皆外人所指目者於是諫院胡宗愈言故事崇政校書如未歷外官及不滿任者不得選舉昨邢恕以新進士除校書蓋是朝廷未有法制近聞新進士因此奔走權要廣為道地乞自今須歷一任乃除於是命恕出為知縣

孫覺程顥罷

自覺

右正言出知廣德軍顥自御史裏行出為京西提刑初魯公亮等言開封府界散常平錢實有抑配遣覺躉量有無覺既受命後奏疏辨行且言只如陳留一縣前後曉示清願請錢卒無一人至者故畿縣惟陳留不散一錢以此見百姓其實不願與官中交關今聖旨令躉量人戶情願請領或追呼抑配則臣前所引其情可見矣所有躉量青苗旨揮望賜寢罷故黜之顥上疏曰天下之理本於簡易則事無不成捨之而險阻則不足以言智矣若沮廢公議用賤陵貴以邪妨正設令徼幸事小有成而興利者日進尚德者日衰尤非朝廷之福况天時不順地震連年臣奉職不肖議論無補望允前奏早賜

備要十八

一八

罷責故

置刑法科

九月命判大理寺崔台符等考試試法官始此

夏四月

賜僧牒助邊

秦鳳路五百本自後諸費多仰給於此如賜本路糴米給千本造景靈宮什物

給千本修宮復給千本賜廣西供軍興糴宜歙州軍糧各二千本河東千本修河八百本買原武等掃物料二千五百本修瀛定州六倉之類前後給降支賜者不可勝數今並不復書。是秋八月三司使吳充言三路屯兵費廣乞歲減江淮漕米二百萬石委發運司易輕貨二百萬緡五年無慮得千萬緡轉置三路令商人入粟領於提點刑獄司王安石言當付之常平蓋新法本以實邊儲緩急也宜令發運司度諸路米貴者折錢轉為輕賚儲於河東陝西用常平法以糴糴焉詔如安石議

呂公著張戢等罷

公著自中丞出知穎州戢及王子韶並自御史裏行

出為知縣公著與王安石素厚故用為中丞既而天下患條例司為民害公著乃復言條例司不便屢上奏不聽安石以

公著叛己怨之尤深上語執政云呂公著嘗言韓琦乞罷青苗錢爲執政所沮將與晉陽之甲以除君側之惡可出知潁州宋敏求當爲誥安石使之明著其語陳升之以爲不可敏求但言敷陳失實援據非宜安石怒進呈改之曰比大臣之抗章因便殿之與對乃誣藩鎮有除惡之謀深駭予聞非事理之實或云公著素謹實無此語孫覺嘗與上言今藩鎮大臣如此論列而遭挫沮若唐五代之際必有與晉陽之甲上誤以爲公著也戩及子韶並言青苗不便至是復上疏曰臣比乞罷諸路使者及王安石處事荒謬專爲聚斂呂惠卿險薄姦凶尚留君側曾公亮陳升之趙抃雖知其非依違不斷均爲有罪乞正嚴誅等事並未施行臣自今更不敢赴臺供職又言韓絳代陳升之領條例司徇從安石與爲死黨遂參政柄李定邪諂自慕官擢臺職陛下惟安石是信今又以絳輔之臣豈敢愛死而不言哉子韶乞追孫覺呂公著謫命又言臺諫方論青苗乞罷兄子淵管勾京東常平差遣先是上謂執政曰王子韶言青苗法實不便但臣先與此議不敢

清要十八

十九

論列小人首鼠兩端當黜之知雜陳襄亦奏子韶姦邪反覆曾公亮請以戩子韶爲通判安石不可上從之乃以戩知公安縣子韶知上元縣戩既上疏詣中書力爭辭氣甚厲公亮俛首不荅安石以扇掩面而笑戩怒曰參政笑戩戩亦笑參政參政所爲豈但戩笑天下誰不笑之陳升之解之曰以察院不須如此戩顧曰只相公得爲無過耶遂並出之

李定爲監察御史裏行罷徙宋敏求等職

定素與王安石善爲秀州判官召至京謁李常常問南方之民以青苗爲如何定言皆便之無不善者常謂曰今朝廷方爭此君見人勿爲此言定詰安石白其事曰定但據實而言安知京師不得言青苗之便也安石喜密薦於上上欲以爲知諫院曾公亮謂前無此例固爭之乃改命焉敏求時知制誥繳還詞頭以爲御史之官須太常博士經兩任通判景祐初以資任相當者少始許通判未滿任者然未有自幕職官處糾繩之地臣恐未厭公論且以疾辭職從之復下蘇頌李

大臨並繳還更奏迭下至于七八固執不行俱罷歸本班乃命攝官修起居注章衡行之○時有朱壽昌者巽子也母劉氏生二歲巽守長安出其母嫁民間母子不相知者五十年壽昌行四方訪求不獲飲食罕御酒肉與人言輒流涕以浮屠法灼臂燃頂刺血寫佛書冀遂其志又棄官入秦與家人訣不得母不歸行次同州得之劉氏時年七十餘矣知永興軍錢明逸表其孝節有詔壽昌赴闕朝見先是言者共攻李定不服母喪王安石力主定因忌壽昌壽昌前已再典郡至是折資令通判河中○范育前後七奏定不服母喪且乞罷免臺職其言曰天下之惡當先治其大者而定皆喪諱母法所當治今置不孝之人在天子左右臣職在糾彈此而不正焉服其他今王安石上誣天心中塞公議朝廷雖可惑李定之心安可欺亦自御史裏行遷崇文院校書○越明年正月監察御史裏行林旦言王安石以李定素出其門曲折庇護聽其不服母喪擢在君側臣至中書安石謂臣言此事出自上意臣聞古之事君者善則稱君今衆人知仇氏為定母而

備要

七

安石獨以為非衆人以李定為不孝而安石獨以為可薛昌朝亦言仇氏死定家定已三十七歲無有不知之理今安石不顧是非專欲取勝遂使朝廷之上經筵之間實一不孝之人何以刑示天下於是並與知縣差遣以謝景

溫為御史知雜

安石獨對問上曰陛下知今日所以紛紛否上曰由朕置臺諫非人安石

曰陛下遇群臣無術數失事機別置臺諫官恐但如今日措置亦不免紛紛於是專用景溫

五月復

置直舍人院

是職自太平興國以後不復除王安石欲令草李定詞故請置之初以命同修

起居注陳襄襄不受乃起居注陳襄襄不受乃

罷條例司

以其事歸中書先是文彥博等請罷制置

條例司上曰俟羣言稍息當罷之不欲亟罷恐傷王安石意也既罷又以手札諭安石

增置司農

寺官

初條例司言常平新法宜付司農寺選官主判兼領農田差役水利遂命呂惠卿同判胡宗愈兼判未幾

上批令司農寺專主常平廣惠倉農田水利差役自今歲終要見常平廣惠倉見在錢斛若干數目夏秋青苗錢散過若干數目合收若干斗斛已納若干未納若干倚閣若干糶到諸色斗斛若干斗直若干出糶過若干都收息錢若干賑貸過若干天下水利興修過若干處所役過若干人功若干兵功若干民功淤漑到若干頃畝增到稅賦若干數目農田開闢到若干生荒土地增到若干稅賦天下差役更改過若干事件寬減得若干民力

罷入閣儀

王珪

等言入閣者乃唐隻日紫宸殿受常朝之儀也唐紫宸殿與今同而唐宣政殿即今文德殿唐制天子坐朝必立仗於正衙若止御紫宸即喚正衙仗自宣政殿東西閣門入故謂之入閣五代以來廢正衙立仗之制今閣門所載入閣儀者止吳唐常朝之儀非為盛禮不可遵行故罷之○初以唐故事百官日赴文德殿宰臣押班謂之常朝休假三日以上內殿起居官畢集謂之橫行宰臣以下應見謝辭者皆先赴文德殿謂之過正衙元豐四年冬侍御史知雜蒲中行言今垂拱

備要一八

廿一

內殿宰臣以下既已日參而文德常朝仍復不廢極為舛謬甚至橫行參假與夫見謝辭官先過正衙雖以唐故事然必俟天子御殿之日行之可也有司失於申請欲望罷去詔從之

置審官西院

從王安石石之請

也詔曰樞輔之任重矣而舊制自武臣之升朝者並選除之是以三公而親有司之事也其以審官為東院別置西院專領閣門祗候以上至諸司使磨勘常程差遣樞密使文彥博力爭之不從

秋七月徙歐陽

脩知蔡州

先是行青苗法王安石以為本於周官泉府之制脩在青州上疏曰田野之民蠢然安知

周官泉府為何物但見官中放債每錢一百文要二十文利是以申告雖煩而莫能諭也以臣愚見必欲使天下曉然知非為利則乞除去二分息但納本錢如此始是不為利矣元降指揮災傷及五分以上夏料青苗錢令於秋料送納秋料於次年夏料送納臣竊謂豐年常少若連遭三兩料水旱則積壓拖欠數多若遇豐熟一併催納則民永無豐歲矣臣今

欲乞遇災傷處人戶無力送納或頑猾不納者並不支俵次料錢如此則人戶免積壓拖欠州縣免鞭朴驅催矣不許抑配人戶朝廷雖有指揮而提率官又催促盡數俵散州縣之吏亦以俵散不盡為弛慢不才由此言之理難獨責州縣臣欲今後所俵錢取民戶尽情如此則自無抑配之患臣已指揮本路州軍並令未得俵散秋料錢別候朝旨又言夏料錢於春中俵散猶是青黃不接之時尚有可說若秋料於五月俵散正是蠶麥成熟人戶不乏之時何名濟闕直是放債取利爾若二麥不熟則夏料尚欠豈宜更俵秋料錢以此而言秋料可罷不散中書言脩擅止給青苗錢欲下問罪安石論脩殊不識藩臣體乃降詔放罪上復欲用脩執政安石曰脩見事多乖理又好文華人蓋以指蘇軾輩上默然除脩判太原不拜

治秀州獄貶祖無擇

無擇時以龍圖閣直學士守杭州王安石

以私怨諷監司誣其過詔置獄于秀州遣御史王子韶逮捕鞠之知制誥蘇頌言無擇身列近侍出典藩服不當與故吏

情重一八

十一

判曲直本朝邊肅孫沔呂臻皆典州不法當時不聞親鞠但直行貶今無擇所犯未甚於三人而使令對獄其為辱甚矣不報獄具巧詆無所得坐借公使酒二百小瓶送

出蘇軾

實客遂責為節副天下寃之自後多起詔獄矣

先是詔江淮發運湖北運司躉量直史館蘇軾居喪服除往復賈販及令李師中供析照驗見軾妄冒差借兵卒事實以聞因侍御史知雜事謝景溫劾故也景溫與王安石熟姻安石實使之窮治卒无所得軾不敢自明久之乞補外上令與知州差遣中書不可擬令通判穎州上批出改通判杭州○司馬光乞知許州或西京留司御史臺國子監上曰朕欲用卿前命卿且受之光曰臣舊職且不供况當進用上曰王安石素與卿善何自疑光曰臣素與安石善但其執政違忤甚多今忤安石者如蘇軾輩皆毀其素履中以危法臣不敢避削黜但欲苟全素履臣善安石豈如呂公著安石初舉公著云何後毀公著云何彼一人之身何前是而後非必有不信者矣上又曰蘇軾非佳士卿誤知之鮮于侁在遠軾以奏藁傳之韓

琦贈銀二百兩不受反販鹽及蘇木菴器光曰凡責人當察其情軾販鬻之利豈能及所贈之銀乎安石素惡軾陛下豈不知以姻家謝景溫為鷹犬使攻之臣豈能自保不可不去也且軾縱非佳士豈不賢於李定不服毋喪禽獸之不如安石喜之乃

旱○雨雹○夏人寇邊

先是虜遣兵二萬侵綏德城築

用為臺諫八堡判延州郭逵曰彼氣力方銳不可與戰又不可止俟其去而平之虜既成堡各留戍三百人逵遣將攻其二大堡一日克之餘堡遁去時虜人又築堡於慶州荔源堡北曰開訛在境外二十里及聞延州堡敗亦止不築蕃部巡檢李宗諒地近虜堡害其田作乃率眾千餘人與虜戰于開訛知慶州李復圭使李信助之信按兵不出宗諒戰不利還趨堡信閉門不納宗諒還戰而沒復圭責信觀望信等引兵三千往十二盤擊虜虜曰我與宗諒有仇不與宋兵戰也信曰宗諒我熟戶射之虜曰汝真欲戰耶乃縱兩翼圍之且令曰殺兵勿殺將朝廷聞之命復圭酬賽復圭遣將破金湯白蘭浪萌

卷之二十八

和市等寨又使李克忠襲金湯虜伏兵衝之克忠還虜於是大入寇攻圍大順城柔遠寨荔源堡兵多者號三十萬少者號二十萬王師不利兵官高敏郭慶死之虜屯榆林距慶州四十里遊騎至城下陝西大震時大順清野賊無所掠又毒水上流飲者多死凡九日乃遁去○冬十月又大舉入寇環慶堡障皆被圍姚兕駐荔源堡引兵出據險要及張疑兵諸山上使賊不得散掠境內間出奇兵擊之賊稍却明日益兵來攻甚急兕乘高而射凡三百餘發皆應弦而斃指裂流血而射不已更遣子雄率精騎出自從城上麾之賊不敢當即西攻大順城兕復往援城亦獲全○夏人之寇大順也詔知延州郭逵出師援之逵謀知秉常勿留宥州即遣燕達悉破近邊諸寨聲言擣虛攻宥州凡九戰其首皆遁又遣田守度出德靖寨伺其歸邀擊之夏人聞逵

八月立川峽

閩廣七路選法

詔川峽福建廣南七路之官罷任迎送勞苦其令轉運司立格就注免其

熙寧三年

赴選著

行重祿倉法○九月置中書檢正官

為令
 中書檢正五房公事官一員每房各置檢正公事二員並以
 朝官充○十月以鄧綰檢正中書孔目房公事綰舉進士高
 第累遷寧州通判上書言陛下得伊呂之佐青苗免役錢等
 法百姓無不歌舞願堅守之又與王安石書及頌安石大喜
 自上使乘驛赴闕既至上問曰識王安石否曰不識上曰今
 之古人也又問識呂惠卿否曰不識上曰今之賢人也綰退
 見安石欣然如故交數日值安石致齋陳升之馮京以綰知
 邊事奏除知寧州綰甚不平曰使我還寧州耶朝士有問曰
 君今當作何官曰我不失作館職或問君得無為諫官乎綰
 曰亦自可以為之明日果有此命綰自至京師不敢與鄉人
 相見鄉人皆笑罵綰曰笑罵從他笑罵好官
 我須為之尋又命兼編修中書戶房條例

韓絳宣撫

陝西

絳以參知政事出呂大防為宣撫判官建議曰星居
 鳥散不能常聚點兵數千動須累日者虜之所短也

備要十一

十四

建營列成一二萬之衆旦夕可集者我之所長也分路置帥
 舉一路兵將除防守外不滿二萬者我之所短也率數萬衆
 向一路以多擊少者虜之所長也異日以我所短抗虜所長
 所以屢敗今七將並出因其未集便行擾擊彼若聚兵擊我
 一處則六處牽制一處堅壁使虜防救不暇然
 後招懷無所不可矣○尋又命絳兼宣撫河東

曾公亮

罷

公亮初薦王安石可大用及同執政上方向安石公亮
 陰助之而外若不與同者每遣其子孝寬與安石謀議

安石以此推尊公亮沮抑韓琦御史至中書爭論青苗事公
 亮俛首不荅安石厲聲與之往反由是言者以安石為專而
 公亮不與也○蘇軾嘗責公亮不正救公亮曰上與安石如
 一人此乃天也然安石猶以公亮不盡阿己數毀訾之於是

聽公亮罷相○五年夏以太傅致仕

策制科武舉

得呂陶張繪孔文仲
 對策凡九千餘言力

詆王安石所建理財訓兵之說為非是宋敏求第為異等上
 讀文仲策謂其意尚流俗毀薄時政恐不足收錄安石見之

大不平於是乃密啓上御批令文仲還單州推官本任齊恢
孫固封還御批韓維陳薦孫永皆力言文仲不當黜維五上
章略曰陛下無謂文仲一賤士耳黜之何傷臣恐賢俊由此
解體忠良由此結舌阿諛苟合之人窺隙而進為禍不細願
改賜處分卒不聽

○武舉二十五人

司馬光罷

出知永興軍初上諭王安
石曰聞三不足之說否安

石曰不聞上曰陳薦言外人云今朝廷以為天變不足懼人
言不足恤祖宗之法不足守昨學士院進試館職策其問意
專指此三事此是何理蓋策問光所為也光屢請外不許至是乃有永興之命

冬十月雨木

冰 ○陳升之罷

以母喪去位明年正月詔起復升之
請終喪五年冬以升之為樞密使同

平章事八年夏罷知揚州元豐三年卒升之深狡多數善附
會以取富貴丹陽居第壯大踰制南人驚詫以為未識其他
豪侈

類七 范鎮致仕

鎮奏曰臣近舉蘇軾諫官蒙御史劾奏
又舉孔文仲應制科蒙下流內銓告諭

情要一八

十五

令歸本任職臣之故上累聖德望除臣致仕仍不轉官以贖
蘇軾販鹽誣罔之罪及文仲對策切直之過不報又奏蘇軾
父死京師先帝賜之絹百匹銀百兩辭不受而請贈父官是
時韓琦亦與之銀三百兩歐陽脩與之銀二百兩皆辭不受
軾之風節亦可想矣今言者以為多差人必販私鹽是厚誣
也文仲對策內外皆言其切直設有過當亦由小官踈外不
識忌諱且以直言求之而以直言罪之是網天下忠直而納
之罪罟也臣竊惜之乞明辨軾之無過恕文仲之直言除臣
致仕最後又奏曰臣言青苗不見聽一可去薦蘇軾孔文仲
不見用二可去負二可去而重之以多病早衰其可已乎李
定避免持服遂不認母是壞人倫逆天理也而欲以為御史
御史臺為之罷陳薦舍人院為之罷宋敏求李大臨蘇頌諫
院罷胡宗愈王韶上書肆意欺罔以興邊事敗則置而不問
反為之罪帥臣李師中及御史一言蘇軾下七路拮據其過
孔文仲則遣之還任以此二人况彼二人以此事理况彼事
理孰是孰非孰得孰失至於言青苗則曰有見效者豈非歲

得緡錢數十百萬乎此錢非出於天非出於地非出於建議者之家一出於民民猶魚也財猶水也養民而盡其財何異養魚而竭其水惟陛下裁赦早除臣致仕王安石見之大怒持其疏至手顛命王益柔草詞又自改云鎮頃居諫院以朋比見攻晚寘翰林以阿諛受斥而每託議論之公欲濟姦邪之惡乃至厚誣先帝以蓋其附上罔下之醜力引小人而扭於敗常亂俗之姦稽用典刑誠宜竄殛宥之田里姑示寬容乃落翰林學士致仕凡所應得恩例悉不之與司馬光預作鎮傳曰呂獻可之先見范景仁之勇決皆余所不及也

十一月賜諸路節行

士官

南郊赦書訪求節行才識學術之士諸路監司以劉蒙等二十一人應詔送舍人院試而命之以官

二月立更戍法

以京東兵戍河北河北兵戍河東河師及府界兵戍成都利梓路湖北兵戍夔路舊以他路兵雜戍者遣還之

立保甲法

初上問王安石

備要一八

十一

以省用安石對以減兵最急上因舉陝西河北兵數安石曰鼓舞三路百姓習兵則兵可省至是同管勾開封府界常平廣惠倉趙子幾逢安石意請先舉保甲法於畿縣其法十家為保選一人為保長五十家為大保選一人為大保長十大保為都保選眾所服者二人為都保正副凡保丁聽自置弓箭習武藝每一大保輪五人夜巡盜先行於開封祥符二縣○五年秋七月更定保甲上番法○六年秋曾布修成勇義保甲及養馬條三卷詔頒之保甲惟開封府界以都保置木契左留司農寺右付其縣差官閱試農隙講習皆出左契巡尉司給廂禁軍白直餘以保丁番上比舊兵給三分之一代更以十日遇追捕群盜聽抽上下番縣尉留弓手白直外餘如巡檢法河北河東陝西五路並排定保甲勸誘習武藝聽旨教試未得上番餘路止排定保甲免習武藝荆湖川廣被邊州軍如當習武藝委監司詳度以聞

以韓絳

王安石同平章事王珪參知政事

絳在陝西遣使即軍

中拜之謝景溫言珪徒有浮文執政豈所宜耶上曰姑容之中書三負韓絳奉使遇齋祠告遂無人押班且當用珪薛昌朝曰執政係天下輕重豈但充位押班者陛下待執政何薄也上曰兩制中誰可易珪者昌朝曰司馬光豈不賢於珪上曰吾非不知光光待朕薄豈肯爲朕用乎昌朝曰陛下何以言之上曰仁宗末年琦弼用事光是時處諫諍侍從未嘗有所避朕用爲樞副而不肯受非薄朕而何昌朝曰今希旨徼幸者徧天下光獨勸陛下崇義而黜利非獨言之而又懇辭大用冀以感悟聖心孟子與齊王言仁義而不及利故齊人莫如孟子愛王臣謂羣臣愛陛下未見有如光者○未幾曾布除檢正五房公事布每事白安石即行之或謂布當白兩參政布曰丞相已議定何必問爲俟勅出令押字耳

皇朝編年

備要卷第十八

